



MILWAUKEE
PUBLIC SCHOOLS

Toiyar o - Thikgoró

Kelassrum ot firi á

KOVÍDH-19 TEÉS GORÁR PROGRAM



MPS é Gingko Bioworks, Inc., loi mili eskul bilding ot áiyore lekáfora ar hamgoribólla házir óiboude eskuilla fuwain ar estháff ókkol ór KOVÍDH-19 teés goribólla mouka goridér. Program ibát dhésthik or sehét ar hefázoti hékmot or ahám híska periodic pooled testing (niyomito ek sáte teésgora) tákibou. Teésgorár program íbaye eskuilla fuwain ar estháff óle manúic házir oi lekáfora/hamgoribólla hefázoti maahóul entezamor dhéstik or sólahiyot ore baraibou.



concentric
by GINKGO

SÚWAL	JUWAB
<i>Pooled testing (ek sáte teésgora) ki jiníc?</i>	Pooled testing (Ek sáte teésgora) óilde ekadik maincór nomuna ókkol dolagori ek sáte ek hóus hísafe teésgorár karwaiyi re hoó. Íyan óilde beci maincór nomuna ókkol teésgorár ekkán kabel torika. Éçe ékbar ot 25 zon foijjonto maincór nomuna ókkol teés gorit fare. Pooled test (Ek sáte teés) é fóttizon ólla alók gori teés notiza no daha; kintu, hóous ot aséde nomunar thál ot KOVÍDH-19 aséde íyan zanai de.
<i>Pooled testing (ek sáte teésgora) or moksót ki?</i>	Pooled testing (ek sáte teésgora) óilde biaram or honó icára yáto alaamot no hádde KOVÍD-19 biaraimmare sínno goribólla úggwa kabel torika. Biaram or alamot sára biaraimma ólore sínno gora óilde KOVÍDH-19 fóilare hóma ar hefázoti maahóul fákka gorár dhésthik or húciyári céctha ólor híska.
<i>Hóntara teés goribou?</i>	Manúic házir oi lekáfora/hamgoribólla eskul ot áiboude eskuilla fuwain ar estháff óle teés goribou.
<i>Teésgori íyan ki laazeminé?</i>	Ói , manúic házir oi lekáfora/hamgoriboude estháff ar eskuilla fuwain ólottu pooled testing (ek sáte teésgora) zoruri.
<i>Rezamondi zorurot óiboune?</i>	Zorurot oibou. Teés goribór age zon fotíttu lekíto rezamondi loibou. Manúic házir oi lekáfora cúrugóitte foribar ólore rezamondi fórom ókkol dibou. Estháff ólore fórom dibou zehón itara eskul ot firi áibou. Fórom ore dhésthik ot wébsáith ot o fa zaibou.
<i>Zodi estháff membór yáto maabaf ek zóne teés or rezamondi dite inkar goille ken oibou?</i>	Zodi maabaf ek zone tarár fuwaindór teés ólla rezamondi no dile, fuwa íbare onlain ot foraibou. Teésgoribólla inkar goijjéde estháff membór ore hokúm nomane bouli doribou.
<i>Teés hotobar goribou?</i>	Eskul sáith ot eskuilla fuwain ar estháff ór cótkara doc zon ore fótti ek háfta for fór teés goribou.
<i>Teésgora cúru oibou hoñtte?</i>	Eskul or foilar dhai or teés gora cúru óibou Epríl 19, 2021 or háftáttu. Baki eksul ókkole cúru goribou Epríl 26 or háftáttu oite.
<i>Nomuna ókkol kéngori loibou?</i>	Nomuna ókkol ore nakóttu rui (swab) loi loibou. Teés goriboude fóttizone rui (swab) ore fótti nakór fóñçar bútoire sair bar gori guraiyóre teés or entezam nize-baze goribou. Zéttot guraiya óile, fóttizone rui (swab) ore pool/kelássrum ólla mokoror goijja kuththát rakibou.
<i>Nomuna iin loi ki goribou?</i>	Dola gorédde kuththát teés or rui (swab) ókkol beggín ráka óile, naás yáto mokoror goijja estháff ek zone kuththa gwa bon goriyóre teés goribólla léb ot fóñsaibólla bebosta goribou.
<i>Teés goijjéde itárar forisoifaibar zati maalumat ókkol léb ot táiboune?</i>	No tákibou. Léb ot teés goijjéde honíkkar zati maalumat no tákibou. Léb ot fóñsaiyéde fótti kuththa gin barcode (bárkúdh) maijja ar cúde rabeta táibou úggwa pool/kelássrum loi. Pool (Hóous) kuththát hár nomuna ókkol ase íyan cúde eskul ottu zana tákibou.

SÚWAL	JUWAB
<i>Eskul sáith ot teésgorár malamal ókkol kibáfe zoma ráke?</i>	Teésgorár malamal, maalamat, kíth, ar rezamondi fórom ókkol béggín ore naás yáto mokoror goijja estháff é bildíng or hefázot ar maháfuzi zagat ráke.
<i>Teés notiza fáite hotódin lagibou?</i>	Teés notiza ókkol ore 24 ottu 48 góndhar bútoire fáibou.
<i>Testing pool (ek sáte teésgora) ót aséde fótti zon ore teés notiza ókkol zanai diboune?</i>	Zodi pool (hóous) or teés notiza ókkol negéthív áile, pool or fóttizon ore honó késsu no za naibou . Zodi pool (hóous) or teés notiza ókkol pózethív áile, pózethív notizar hóbor pool or fóttizon ore zanai dibou .
<i>Zodi pooled test (ek sáte teés) notiza pózethív áile ken óibou?</i>	Pool (Hóous) ot aséde fóttizon ore éhon teés notiza pózethív de íyan zanai diyóre síragori KOVÍDH-19 teés goráibólla icára goribou. Toile, tára KOVÍDH-19 pózethív ki na íyan zani faribou. Pool or fótti ekzon ore 14 din fójjjonto eskul ot no áibólla icára goribou. Pool or kelassrum or taalim ore 14 din ólla onlain ot foraibou.
<i>Zodi pool or teés notiza pózethív óiya honikkattu síra teés ot KOVÍDH-19 negéthív óile, 14 din nó furaite ítara eskul ot firri ái fairbouné?</i>	No faribou. Pool or teés pózethív óiya teés goijja beggún furafuri 14 din fojjjonto eskul ot ái no faribou.

Añára **MPS Toiyar asi!**

School Reopening Website (Eskul Abar Kúlar Wébsáith): mymps.org/